



NW Outdoor Science School

M: 5825 NE Ray Cir, Hillsboro, OR 97124

P: 503.614.1402

F: 503.614.3182

W: www.nwoutdoorschool.org



**Northwest Regional
Education Service District**

Achengicheng Chon Tumwun:

Non unusen ach pwapwa sia mochen kokorinoumwe chon sukun an epwe fiti non ukukun ruwanu raan me unungat pwiin, ew Outdoor Science School programun. Nortwes Outdoor Science School mei akangang ngeni sukunen Oregon seni ewe ier 1969. chiechien noumwe chon sukun me chon angangen non anewe sukunrepwe nongeni ew me nein nimwunenien Outdoor School me non Nortwes Oregonepwe nom fan tumwunuwen chon angang mei kaiteoch wiser ngeni ekkewe chon sukun seni ewe Kinikinin Sukun Non Nortwes.

Ei pekin kao an Outdoor School ew minne chon sukun repwe fifiti non unusen 24 awa non ew raan nge repwe mefi ukukun ningechun me echipworun fonufan non ar repwe susukun nukun. Outdoor School ew minne epwe aitir met nukun ekkewe imwen sukun, mei aitngenir angang won pour, pwan pekin kao minne mei amwarar o apwapwai chon sukun. Eucheane, mei ngeni ekkewe chon sukun ew ennetin memefin pwapwa minne mei esenipa ar sikasini me pwapwaiti ar kao.

Ewe programun Outdoor School mei eucheane me akkomwa an chon sukun kinamwe, ar pochokun, me tumwunur nupwen re nonom non ekkewe nenien Outdoor School. Chon sukun repwe nongeni Outdoor School won warkewe pasun sukun fan tumwunuwen emon chon unteng mei sineoch an angang. Chon sukun repwe pwan nonom non ekkewe iimw minne mei unuseoch pisekin ekkewe fansoun patekich iwe mei pwan unuseoch nenier repwe chumwon seni pungun raan ren fansoun pungumongun raan.

Emon kangof mei ounusa an pekin kao epwe wisen memes won pekin pochokunen chon sukun o pwan wisen safeni me tumwunu chon sukun nupwen ra semwen. Ika pun epwe tori ewe chon sukun watten semwen minne mei pesei ar repwe nongeni pioing non atapwanapwan, mei tongeni wor kokotun an epwe fiti sein pioing ika in me saam ika chon tumwunu ewe semirit mei tongeni fiti ewe chon sukun ar repwene you seni ewe nenien sukun. Sipwe pwan achocho fittingeni eureur mei katou seni OHA "Akon Semwen Ne Nongeni Sukun". Ika pun noumwe chon sukun mei chomong ren esisinen semwen, aipwe fokkun kokoruk om kopwe eto angei.

MWEMWEN OUTDOOR SCHOOL: Omwe sukun epwe esinengonuk ekkewe raan euecha me porous pekinon faniten an noumwe susukun non ewe Outdoor School. Ekkewe sense mei kaworngenir ekkewe raan minne mei euecha repwe wanong ekkewe taropwe non, om emwitiri amasouwen me sendin ekkena taropwe mei fokkun anisieochu kokotun achei pekin osukun.

PWOS: Fanekoch Chon sukun repwe mefi pwos nupwen ra fifiti Outdoor School. Sia sinei pun ammen aniniseoch ami porous ngeni noumi chon sukun non pwapwa mwemwen repwe feito an epwe anisir ren met repwe nonininiti ar ra wareto. Nupwen ouwa enukunuku noumwe chon sukun faniten an epwene nongeni Outdoor School,ouse mochen oupwe epechekuna netiper me nounou fos minne epwe apwapwai ewe chon sukun. Ngeni ekkewe chon sukun ika famini minne re mefi watten ar noninen faniten Outdoor School, ouse mochen porousngeni nouchewe Chon Enefin Ngeni Famini me Sukun, nouchkewe chon angang, pwan emon watte en mei nukunuk non meren an noumwe semirit nenien sukun. Ika pwun noumwe chon sukun a mefi pwos meren ewe Outdoor School, nouchkewe chon angang ra fen sinei o akkani angang ei sokun etipetipa ika poporousngeni chon sukun ra mefi pwos. Ika ke mochen uwow ngeni noumwe chon sukun nour taropwe meremi, ami mi tongeni wanong non ar potow.

TAROPWEN MUMUTA/URUON POCHOKUN: Mei eueha epwe tour **echo taropwe mei amasouweochuno** Pwun taropwen mumuta me uruon pochokunen meinisin chon sukun. Porous ke urenikem epwe chok nongeni chon angang mei wor euehan wewen repwe sinei porousen ewe chon sukun. Ika pwun mei wor noun chon sukun mei uri ekkewe semwen mei watte weiresin, ussun chowan suke ika maan kawakaw/wei, ika e wor mongo ika mettoch mei ngawengeni ewe chon sukun, me ika epwan wor met porous pekinon epwe tongeni anisi nouch chon angang ar repwe tumwueochu nonomun noumwe chon sukun, kose mochen kopwe makketiw echo taropwe ka pachengeni ewe taropwen pochokunen noumwe semirit ka aweweochu non ukukun om tongeni. Ika pwun an noumwe semirit semwen me unuman safei a siwin nge kafen wanong ewe taropwen uruwon pochokunan, kose mochen pwan sainei echo taropwe minne mei afatatiw ekkena ekesiwin ka sendini ngeni an Outdoor School ewe ofes.

Mei eueha pwun ena Taropwen Mumuta/Uruwon Pochokun epwe amasou o niwiniti ewe sensen mwaren unungat wiik mwemen ewe raan noumwe chon sukun epwene nongeni ewe Outdoor School. Noun noumwe chon sukun sense, me ewe chon tumwunu ewe nenii an NOSS me Kangof, iir ekkena repwe tongeni kuna ekkei porous ka makkei me sendini non ei taropwe. Mwirinon chon NOSS repwe wisen oturano ei taropwe.

EUCHEA OM KOPWE SAIN: Om ka sainei asen ei Taropwen Mumuta me Uruwon Pochokunen Chon Sukun, en ka mutata an noum sukun epwe fiti ach mokutukut. Om ka mutata an noumwe chon sukun epwe fiti ewe Outdoor School ka weweiti pwun ika noumwe chon sukun epwe semwen nge mei eueha an epwe angei pwan met pekinon ekkewe kapasen esinesin faniten safei me angangen tumwun ngeni noumwe chon sukun kafen afata non ei taropwe me taropwe menukun, ewe kangof epwene fori me tumwunu noumwe chon sukun fittingeni met ii me ion tokter me sousafei epwe nukuu pwun mei fich ngeni ewe chon sukun non ewe fansoun. Ika pwun met pekin tumwun me safei epwe eueha ngeni ewe chon sukun menukun met ekkena kangofun non ekkewe nenien sukun repwe tongeni anisngeni, chon angangen non ewe Outdoor School repwe akkom kokoruk. Ika pwun rese tourngonuk, repwe kokori noun noumwe chon sukun tokter. Ika pwun rese pwan tourngeni noun noumwe chon sukun tokter, a fis pwun ka mutata an ewe Nortwes Regional ESD epwene wisen fini emon chon safeni noumwe chon sukun. En ka mutata an ena chon safei ika tokter epwe fori met angang e kuna epwe fich ngeni ewe chon sukun faniten semwen mei atapwanapwan iwe en mei pwan tipewngeni om kosapw etipisi ewe Northwest kinikinin fonu ESD me arkewe ofes me nour chon angang faniten met mwanino me osukosuk ika feiengaw e fis non ena neni. En ka pwan ngeni ewe Outdoor School mumuta an epwe fori kokoten sein atapwanapwan ika pwun epwe eueha ewe chon sukun epwe nongeni nenien safei, en mei pwan weweiti pwun fanekoch ekkei pekin aninisin safei mei kamo iwe ekkei neni ina repwe ngonuk ika noumwe insurans taropwen kamotiw. **Ika pwun noumwe chon sukun ese kokotun fiti ei osukun, kopwe chok amasowa ena kinikin asan iwe ka eniwini ngeni noun noumwe chon sukun sense.**

MUMUTAN FICH SASING: Fanekoch ewe Northwest Outdoor Science School mei nounou sasingin chon sukun faniten ar repwe pwari met e fifis non arkei neni. Repwe nounou sasing, rekoto, me rekoton porous me won an Kinikinin Sukun Non Nortwes peich non sokopaten nikinik faniten ar repwe pwari me apwapwai ion epwe pwan mochen katon me fiti ar osukun non ar repwe print nour posterun kait, minen non nius, videon kait, pwan met monukun faniten ar repwe pwari me apwapwai ion epwe pwan mochen katon me fiti ar osukun . Ika pwun kose tipewngeni ar repwe nounou sasingin noumwe chon sukun ren ekkena wewe, kose mochen chekii ena pwor asetan ena Taropwen Mumuta me Uruwon Pochokunen Chon Sukun.

Kose mochen annaochu MEINISIN ekkei eureur fan unumen noumwe chon sukun safei faniten ifa unnuun ekkena safei - om kose fitieochu ekkei eureur mei tongeni efisata an ewe Kangof esapw tongeni eunuu noumwe chon sukun unuman safei me faitamin ke sendngeni.

SAFEI:Meinisin safei epwe toning ren ewe sense mwemwen repwe nongeni Outdoor School. Meinisin safei repwe nom non wesetan peon repwe pwan nom non echo siplok epwe mak iten ewe chon sukun won. Kosapw ochuu ekkewe safei; ew me ew safei epwe imwuno non nenian me tukutukun. Ekkena chon anisngonuk unumen noumna chon sukun safei non ekkewe sitowan safei ke angei mei ewe safei, mei tongeni anisngonuk ekkewe

nenian mei makeochutiw ifa ussun unnun ekkewe safei. Ekkewe safei minne si angei an tokter makngenikich sipwe uun, epwe ururun wor won echo taropwe won epwe mak an ena tokter eureur faniten unnun ena safei. Ika kopwe pwan ouwow ekkewe safei kich mei tongeni kamo nge tokter ese pwan mak taropwe fanitan, kopwe wanong fitifengen me **echo taropwe meren saam me in epwe afatatiw ifa esin unnun ena safei**. Kopwe chok sendini ukukun met noumwe chon sukun epwe uun non ewe koukun fansoun epwe nom non Outdoor School. Ekkewe Chon Angang ren Pekin Safei ren ewe Outdoor School repwe wisen eunu chon sukun unumerkewe safei minne nour tokter e wisen makkei pwun unumer. **KOSAPW**uwounong ese nifinifin safei non an noumwe chon sukun potow. Meinsin safei me nenian repwe niwin ngeni noun noumwe sense nesoponon ewe wiik. Ika noumwe chon sukuun mei aea ekkewe pisekin mei mwii me ekkewe oppos an ekkewe mei wor mongo me mettoch mei ngaw ngenir, kose mochen pwan ngenir fengen me sokkun safei ekan uun.

FAITAMIN/ALAPAALÓ: Meinsin faitamin mei eueha epwe fiti echo taropwe seni chon safeni noumwe chon sukun. (Nongeni OAR 581-021-0037 <http://goo.gl/ovHkBg>). Ena taropwe epwe pachenong iten ena chon sukun, iten ena sokun faitamin, fitefou ika ifa ukukun epwe unumi, non menni kunok, wewen an uun ena faitamin, iwe ena chon awora ena safei epwe sain pwan makketiw pwinin maram. (Ekkoch sokun faitamin/alapaaló: ekkewe e aninis ren mour, ren nuuk an esapw weirs ren minik, ren pochokunen nuuk, faitamin sikan uun iteiten raan, aninisin iasai, aninisin mongo, me aninisin inisum ngeni monun nukun inisum). Kose mochen pachenong ena taropwe seni ena chon safei ngeni ewe Taropwen Mumuta me Uruwon Pochokunen Chon Sukun, nge ika pwun kose, iwe kopwe pwan makketiw iten an noumwe sukun me menni neni noumwe chon sukun e nongeni. Ekkewe Chon Angang ren Pekin Safei ren ewe Outdoor School recipe eunu ekkewe chon sukun faitamin minne ese fiti metekkena mei eureur me asan.

SAFEI ESE NEED TAROPWE MEREN TOKTER: Ewe tokterun Outdoor School mei wauu ew esinesin mei mutata ekkewe safei ese need taropwe meren tokter. Ekkei safei epwe chok kawor non fansoun mei eueha, non keukun epwe fich, ngeni ewe chon sukun anongonong won an ewe tokter esinesin. Mei imwuno safei seni menni kompeni minne ewe neni a mutata repwe uwow unumer nge fanekoch (ekkewe safei esapw seni ekkewe kompeni mi afatatiw nge mei taitap sokun safei me koukun) mei tongeni epwe fis pwun siwinin. Ekkoch safei mei pwusin wor non ekkei neni, iter mei afatatiw me non ewe Taropwen Mumuta me Uruwon Pochokunen Chon Sukun.

EPPET MEREN NAMANAM IKA EMON ME EMON: Ika pwun e wor an om namanam ika en won winikapom eppet ren sokun safei repwe tongeni aea ika forngeni noumwe chon sukun, chekii ekkena pwor ke kuna pwun epwe fittingeni om ekiek me won ena Taropwen Mumuta me Uruwon Pochokunen Chon Sukun. Pwan makketiw ekkewe safei minne noumwe chon sukun ese tongeni angei faniten an om namanam nukunuk fatiwen ena taropwen Ketiwen Namanam/ Eroni. En mei weweiti pwan tipewngeni pwun ika epwe tori noumwe chon sukun ew semwen ika feiengaw mei tongeni angeieno manawan, ika mwo pwun esapw pwungungeni om nukunuk non om namanam ika om nukunuk won winikapom, safei me aninisin an epwe eniwini manawan ika eppet seni mano epwe tourngeni noumwe chon sukun.

MWONGO: Meinsin mwongo me okasii epwe kawor meren ewe Nortwes Outdoor Science School nupwen an noumwe chon sukun epwe nonom rem. Nouchkewe chon angangen non imwenikuk mei watte ar sine ren sokopaten mwongo epwe tongeni fich ngeni ekkewe mei nifinifin ener ren ekkewe mei wor met mei ngaw ngenir, ngaw ngenir kaoch masowen pinawa, ngaw ngenir minik, sokun, me chis, ekkewe re chok mongo iasai me napengeni sokopaten ennukun an aramas mwongo. Kose mochen chemeni om kopwe affatatiw ekkei sokkun mettoch ren pekin mwongo noumwe semirit epwe tongeni mwongo won ewe Taropwen Mumuta me Uruwon Pochokunen Chon Sukun, iwe achewe ofes ina epwe porous ngonuk ika pwun aisapw tongeni awora met ngeni noumwe chon sukun.

NONOMWUN: Ussun chok me non pwusin ar imwen sukun, ewe Outdoor School epwe aworangi ekkewe chon sukun ew neni minne epwe esenipa an chon sukun kao non ar repwe foforeoch. Ika pwun ekkewe chon sukun re

weires ar repwe foreochu ar kaeo, nouchkewe sense me chon angang repwe fori ew kokotun ar repwe awora ei memefin pwapwa me foforeoch. Ika pwun e fis pwun chon sukun re watte ar repwe sopwei ar fofor mei ngaw, iwe sipwe eniwini chon sukun ngeni imwer, sipwe kokori chon mesemes won ewe chon sukun ika emon watte mei angei an mumuta an epwe mwittir etto uwei ewe chon sukun. Sia pwan tungor ngeni sense repwe fosngeni nour chon sukun mwemwen repwe etto fiti ewe Outdoor School ren an epwe ifa ussun nikinikir ar ra wareto. Porous faniten ach kokot faniten foforeochun chon sukun non ekkei neni mei nom won achna peich.

ENNUK FANITEN AN EPWE PACHENONG MEINISIN SOKKUN CHON SUKUN: N ortwes Outdoor Science School mei pochokun non ar mochen fori ew nenien kaeo minne meifetaneoch faniten eochunon memefin chon sukun fengen me tumwunur. Chon sukun non ekkewe mwiich BIPOC, LGBTQ+ me ekkewe chon sukun mei wor terir ramen soun keimwu seni chiechier, chomong chon urumoter, me fan chomong ar nenien sukun mei nengenir ussun ita iir mei sokoseni chiechier non sukun. Ekkei sokkun nikinik mei awoa memefin ekkei chon sukun me ar ekiok pwun ita esapw iir chochon ekkewe neni ika sukun. Kich mei afataeochu pwun: Meinsin chon sukun mei ketiw me ikei. Kich mei etiwa met ke mochen sipwe korngonuk, fori pwun mei wor neni epwe fittingeni an emon me emon weweiti ika iir met, iwe sise pwan aporoua ika emon chon sukun ika chon angang emon aat nengin ika met nge iir rese mutata. Ren porous pekinon, kose mochen nongeni ena kinikinin Kapaseis Chommong Mei Kan Eis won achewe peich.

IIMW & IMWEN NGASENO: Ekan 8 ngeni 12 chon sukun non ew iimw, iwe 1 ngeni 2 mwiichen tiu ngeni engon me ruu Chon Sukun Souemwen. Ekkei kumien ew me ew iimw mei kefinita meren sense mwemwen chon sukun repwe wareiti Outdoor School. Imwen Ngaseno mei wor ew imwuno toinet me nenien tutu, mei pwan imwuno nenien siwin non ew me ew ekkei imwen chon sukun.

UUF & PISEKIN ANNUT: Kose mochen nongeni ewe **LISTEN UUF & PISEK AN CHON SUKUN** mwemwen kopwe enukunuku pisekin noumwe chon sukun faniten Outdoor School. Ei listen pisek mei afateochuwetiwi met repwe uwei me met resapw uwei. Esap an ewe Kinikinin Sukun Non Nortwes NWRES D tipis ika e wor pisek e tarono, ta, me sona, iwe kose mochen kosapw uwow uuf, suus, me pisek mi meomong. Ika pwun e wor pisek e tarono nupwen noumwe chon sukun a niwinituk meren ewe Outdoor School, kose mochen kokori noun ewe Ofesin Outdoor School nampa 503-614-1402 ika nongeni ODSOfficeAdmin@nwresd.k12.or.us iwe aipwe pwan achocho ne kutta ena pisek e poutuno.

PEICH: www.nwresd.org/outdoorschool Achei peich mei wor porousen achei mokutut, sasing, pwan sokopat. Ina kopwe kuna ew (Kapaseis Chommong Mei Kan Eis), meinsin taropwe mei sendngeni imwom meren noun noumwe chon sukun sense, me videon ifa ussun om kopwe tongeni amasouwa ekkei taropwe.

Nouchkei chon angangen Outdoor School ra sineochuu ar angang o pwan eotures faniten ar repwe aworangenin noumwe chon sukun ew pekin sukun mei amwarar o unuseoch ren pekin kaeo. Ika pwun e wor om noninen faniten an noumwe chon sukun epwe fiti achei pekin osukosuk, sia pesengonuk kopwe porousngeni noun noumwe sense/aneuwe sukun faniten omkana noninen ika osukosuk. Ika pwun mwirin om porous ngenir nge mei chok wor om kapaseis me noninen, kose mochen kokori achewe ewin ofes ren en nampa (503) 614-1402 ika nongeni ODSOfficeAdmin@nwresd.k12.or.us. Kich mei nuku pwun **meinsin** chon sukun mei watte ar tongeni o pwan tongeni opwonuwochuweta ar sukun meren ewe Outdoor Science School!

Seni Unusen Netipei,

Ewe Teamen Outdoor School

Ar Form ni Kasas ewe Irin ar Pweisenmiisun epwe Form ni Raan Katuwun Miira mi ar Form ni Kadereiwiis/Kachin Kasasewiis Agenam me ekewe epwe fitiir kapasen in English. Iei ekewe mwet epwe ren ununumwan ar nuuchunepwen pwe inepwe fitiir kapasen fanen non epwe.